

INUIT ATAQATIGIIT

INATSISARTUNI



Nuuk, 30. juli, 2013

Inatsisartut suleriaasianni § 37 naapertorlugu matumuuna Naalakkersuisunut apeqquteqaateqarpunga.

(Inatsisartuni ilaasortaq Sara Olsvig, Inuit Ataqatigiit)

- 1) Uranimik misissuineq piianerlu. Kalaallit Nunaanni uranimik missuinermi piiaanermilu eqqarsaatigisassat pillugit nassuiaat, Bind 1 naalakkersuisut eqikkaanerat: Naalakkersuisut eqikkaanerat 2008-meersumi taamani ineqarnermut, attaveqaqatigiinnermut aatsitassanullu naalakkersuisoq Kim Kielsen (Siumut) allappoq: *“Nammineerlunga isumaqarpunga pingaaruteqarluinnartoq politikikkut aalajangiinnermi tamatigoortumik oqallinneqartariaqartoq, uran pillugu paasisassat tamaasa oqallisigalugit, soorlu politikkimut tunngasut, isumannaallisaanermut, peqqissutsimut avatangiisinullu tunngasut, inuiaqatigiinnut kingunissat, naleqqussaananermut tunngasut il.il. Innuttaasunut paasisutissanik suliarinnittoqassaaq, naatsumik nassuiarneqassalluni uranimik misissuineq piianerlu ammaanqarpata Kalaallit Nunaannut qanoq kinguneqassanersoq, qulakkiissallugu pingaarutearpoq taamaattoqassappat innuttaasut aalajangernermut tapersersuinissaat. Tamanna aatsaat pisinnaavoq innuttaasut isumasiorderisigut”*. Naalakkersuisut tamatumunnga isumaqataappat?
- 2) Naalakkersuisut isumaqarpat isumannaallisaanikkut, peqqissutsikkut, avatangiisitigut inuiaqatigiinnullu sunniutaasussat aqutsinissamilu pissutsit maanna naammaginaratumik ilisimaneqalersimasut, uranimut aatsitassanullu ulorianartumik qinngornilinnut akuersaangilluinnarnermut aalajangiussap allanngornissaanut naammattunik tunngaviusinnaangorlutik?
- 3) Naalakkersuisut isumaqarpat akuersaangilluinnarnerup Naalakkersuisut nalunaarutigeriigaattut ukiami 2013-imi ataatsimiinnermi unitsinniarneqartumut innuttaasut tusarniaaffigineqarsimasut?
- 4) Nalunaarusiami 2008-meersumi taariikkami taamani Naalakkersuisut immikkoortup aappaani ilaatigut allapput: *“Uranimik sammisaqarnerup immikkut ittumik atugassaqartitsimmat, akuersissuteqarneq nangaassutinik immikkut ittunik aallaaveqassaaq, soorlu nunat tamat akornanni avatangiisit, peqqissuseq*

isumannaallisaanerlu pillugit isumaqatigiissutaasuni atuutsinneqartut kiisalu isumannaallisaanermi politikkitimi tunngasuni isumannaallisaanermi piunasaqaataasutut". Naalakkersuisut taamatut isummernermut isumaqataappaat?

- 5) Uranimik aatsitassanillu ulorianartunik qinngornilinnik akuersaanngilluinnarnerup unitsinneqarnissaata, isumannaallisaanermi politikkitimut sunniutigissat naalakkersuisut suussangatippaat?

Tunngavilersuut:

Naalakkersuisut Uranimik aatsitassanillu ulorianartunik qinngornilinnik akuersaanngilluinnarnerup unitsinneqarnissaanik Inatsisartut ukiakkut 2013-imi ataatsimiinneranni siunnersuuteqassamaarlutik ilisimatitsereerput. Tamanna piviusunngortinneqarpat, allannguinerup kingunerisassaanic innuttaasunik qaammarsaanertaqanngitsumik aalajangiinermilu innuttaasunik peqataatitsinertaqanngitsumik iliuseqartoqassaaq. Tassa 2008-mi nalunaarusiami Naalakkersuisunit Siumumit aqunneqartumit oqaatigineqartunit killormoorluinnartumik.

Naalakkersuisut arlaleriaqalutik akuersaanngilluinnarnerup unitsinneqaratarsinnaanerata sillimaniarnermut, nunanut allanut, illersornissamullu politikkitimut sunniutissai isumaarutinniarsarisarpaat, nalunaarusiallu allannguinerup kingunerisassaanic ersersitsisussat suliarineqartut suli saqqummiunneqarsimanatik. Taamaattumik isummernissamut oqallinnissamullu ilisimasatigut tunngaviusinnaasut innuttaasuni inatsisartunilu ilaasortat akornanni pigineqanngillat.